

油蔴地天后廟 《乙亥春月重建天后古廟碑記》 光緒元年(1875)

自古聖賢以神道設教，山川鬼神，凡有功德於民人者，皆立廟以祀之。惟我油蔴地一灣，居民鋪戶，樂建天后元君古廟，供奉有年。而其廟狹淺，況近海潮，棟朽椽殘。庚午歲，闔灣修復，加牆偏間以三，則因其牆而續出頭門，兩邊有廊，略成瞻顧。惟是地腳金慳，層遭坼裂。復遇甲戌八月大颶簸揚，推殘後座。眾見如此，神靈難日，是以集眾推誠，標懸小引，不數日，而善信欣然隨緣樂助，即日鳩工庀材，不期季春而修復焉。比舊日之規模更壯，比舊日之牆垣更堅，非敢謂鳥革翬飛，亦僅言竹苞矣。是為序。

南邑弟子潘葉舟薰沐敬撰

光緒元年歲乙亥春吉旦